



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 04-40-1-314/21
Sarajevo, 11.11.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 10.11.2021. do 08:30 sati 11.11.2021. godine

Štaba civilne zaštite Kantona Sarajevo (u daljnjem tekstu: Štab) je u skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), Zakonu o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, br. 39/08, 19/11, 45/15 i 33/21), Pravilniku o načinu rada i funkcioniranju štabova i povjerenika civilne zaštite („Službene novine Federacije BiH“, br. 77/06, 5/07 i 32/14) i drugim važećim propisima, kao i Odlukom Vlade Kantona Sarajevo o proglašenju stanja prirodne nesreće od poplava na području Kantona Sarajevo, broj: 02-04-40698-1/21 od 08.11.2021. godine, u izvještajnom periodu preduzeo slijedeće mjere i aktivnosti na otklanjanju i saniranju posljedica od poplava na ugroženom području:

- Štab je u cilju sprječavanja urušavanja pješačkog mosta na rijeci Željeznici između ulica Mala aleja i Hrasnička cesta, angažovao Službu za zaštitu, spašavanje iz ruševina i raščišćavanje terena formiranu u okviru pravnog lica Bosman d.o.o. Sarajevo, čije je ljudstvo sa mehanizacijom izvršilo osiguranje s dizalicom stuba mosta koji se počeo urušavati, te pravljenje nasipa da se izmjesti tok rijeke od stuba koji je počeo da se urušava, tako da je sada spriječeno daljnje urušavanja tog stuba mosta. U toku sutrašnjeg dana nastavit će se građevinski radovi na sanaciji stuba mosta koji se počeo urušavati.



- Pripadnici službe zaštite i spašavanja Općine Centar formirane u DVD su toku dana u skladu sa Naredbom Štaba bili angažovana na iscrpavanju vode iz podrumskih prostorija doma za stare i nemoćne „Miran san“ u ul. Spomenik br. 56. u MZ Otes.
- Pripadnici službe zaštite i spašavanja Općine Novo Sarajevo danas su u skladu sa Naredbom Štaba bili angažovani na saniranju posljedica od poplava na području MZ Kotorac.
- Služba zaštite i spašavanja Kantona Sarajevo formirana u KJKP Vodovod i kanalizacija d.o.o. Sarajevo sa ljudstvom i mehanizacijom je u toku dana u skladu sa Naredbom Štaba bila angažovana na sanaciji kolovoza i odvozu kabastog otpada na deponiju iz ul. Barska bb, odvozu kabastog otpada na deponiju iz ul. Sastavci i Spomenik, na crpanju vode iz objekta u ul. Osik br. 722., 734. i 722, te na čišćenju i pročepljenju slivnika u ul. Trg Oteškog bataljona br. 44. i 89. Od koordinatora iz Općine Ilidža obavješteno je KJKP Vodovod i kanalizacija d.o.o. Sarajevo da nema potrebe za njihovim angažovanjem u toku sutrašnjeg dana.
- KJKP Rad je sa ljudstvom i mehanizacijom danas u skladu sa Naredbom Štaba bilo angažovano na:
 - prikupljanju i odvozu kabastog i drugog otpada na području MZ Otes (angažovana su bila tri kiperi, jedan utovarivač i jedan grejfer);
 - mašinskom čišćenju i pranju saobraćajnica na području Općine Ilidža u naseljima Otes i Sokolović Kolonija sa jednom mašinskom čistilicom i četiri cisterne (mašinski su očišćenje saobraćajnice u ul. Barska, Trg Oteškog bataljona, Spomenik, Seada Sinanovića i Fadila Hadžića, dok je s cisternama izvršeno pranje saobraćajnica u ul. Oteška, Barska, Vitomira Lukića, Trg Oteškog bataljona sa prilaznim stazama između zgrada, parkinzima i prostorima ispred garaža i u ul. Fadila Hadžića, Seada Sinanovića, Spomenik sa ulazima ispred dvorišta kuća i u naselju Sokolović Kolonija Most spasa);
 - ručnom čišćenju saobraćajnica u ul. Oteškog bataljona – presten i plato iznad zgrada, u naselju Sokolović Kolonija Most spasa i u naselju Butmir ul. Izeta Čomora,

Zbog izuzetno velikog stepena zaprljanosti javno-prometnih površina u naseljima Otes, Pejton, Sokolović Kolonija i Butmir i sutra se planira nastavak aktivnosti na pranju i čišćenju saobraćajnica i uklanjanju kabastog i drugog otpada.

- Ekipe Službe zaštite i spašavanja Kantona Sarajevo formirane u JU Zavod za javno zdravstvo Kantona Sarajevo su u toku jučerašnjeg dana dezinfikovali 23 individualna stambena objekta na području MZ Otes, te su lokalnom stanovništvu dostavile upute kako da postupaju u slučaju poplava.

Također, su kontinuirano u saradnji sa općinama provode aktivnosti na kontroli ispravnosti vode za piće iz lokalnih vodovoda.

U izvještajnom periodu zaprimljeno je sedam uzoraka iz JKP Komunalac d.o.o. Hadžići sa lokalnih vodovoda: “Mehina luka” Tarčin – dva uzorka, “Perkovići” Trzanj, “Ramići” Ramići, “Kradenik” Pazarić – dva uzorka i “Krupa” Hadžići sa različitih mjesta uzorkovanja. Svi ispitani uzorci na fizičko-hemijske parametre su bili u granicama predviđenim Pravilnikom o zdravstvenoj ispravnosti vode za piće. Fizičko-hemijske



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

analize koje su pritom urađene su: pH, provodljivost, miris, mutnoća, boja, hloridi, KMnO₄, amonijak (indikator primarnog fekalnog zagađenja), nitriti (indikator sekundarnog fekalnog zagađenja), nitrati (indikator terciarnog fekalnog zagađenja), koncentracija rezidulanog hlora (pri prijemu u laboratorij). U svim uzorcima je potvrđeno prisustvo rezidualnog hlora od strane donosioca uzoraka, dok je od strane laboratorije dokazano prisustvo na samo dva lokalna vodovoda – “Perkovići” Trzanj i “Krupa” Hadžići.

Ispitano je i pet uzoraka gradskog sarajevskog vodovoda na redovnu kontrolu vode na lokalitetima Stupa, Općine Novi Grad – vodosnabdjevanje sa Butila, Vogošće. Svi uzorci gradskog vodovoda su odgovarali parametrima Pravilnika o zdr. ispravnosti vode za piće. Fizičko-hemijske analize koje su pritom urađene su: pH, provodljivost, miris, mutnoća, boja, amonijak (indikator primarnog fekalnog zagađenja), nitriti (indikator sekundarnog fekalnog zagađenja) i koncentracija rezidulanog hlora (pri prijemu u laboratorij).

Današnji uzorci dostavljeni na analizu sa lokacije Općine Trnovo (ukupno 7 uzoraka). Svi ispitani uzorci na fizičko-hemijske parametre, **osim** uzorka sa lokacije “Pendičići” Krstinja, su bili u granicama predviđenim Pravilnikom o zdravstvenoj ispravnosti vode za piće. Fizičko-hemijske analize koje su pritom urađene su: pH, provodljivost, miris, mutnoća, boja, hloridi, KMnO₄, amonijak (indikator primarnog fekalnog zagađenja), nitriti (indikator sekundarnog fekalnog zagađenja), nitrati (indikator terciarnog fekalnog zagađenja). Uzorak „Pendičići“ Krstinja **nije odgovarao** prema parametrima mutnoće i boje.

Terenske ekipe su, prilikom obilaska terena i uzorkovanja vode sa lokalnih vodovoda podsjetile stanovništvo na način postupanja u vrijeme poplava, a sve s ciljem prevencije nastanka i sprječavanja zaraznih oboljenja koja se mogu pojaviti ukoliko se konzumira zdravstveno neispravna voda za piće.

Općina Ilidža

Općinski štab civilne zaštite u saradnji sa kantonalnim štabom civilne zaštite u toku jučerašnjeg dana općinske organizovane snage zaštite i spašavanja u saradnji nastavili su s aktivnostima i mjerama na otklanjanju i saniranju posljedica na područjima koja su bila poplavljena (čišćenju i sapiranjju ulica, dvorišta, ispumpavanju vode iz poplavljenih objekata i čišćenje poplavljenih objekata od mulja i blata, uklanjanju kabastog i drugog otpada i dostavljanju pomoći stanovništvu u vodi i drugim potrebštinama). Aktivirana je Komisija za procjenu šteta Općine Ilidža, koja će u skladu sa propisanim procedurama raditi na procjeni šteta.

Općina Novi Grad

U toku jučerašnjeg dana u skladu sa Odlukom o proglašenju stanja prirodne nesreće na području Općine Novi Grad, na otklanjanju i saniranju posljedica od poplava bile su angažovane organizovane strukture civilne zaštite Općine Novi Grad i druge i druge općinske službe uprave i javna preduzeća, koje su sa ljudstvom, opremom i mehanizacijom radili na raščišćavanju i odvozu smeća na područjima koja su bila poplavljena, te dostavi isušivača i drugih potrebština stanovništvu na ugroženom području.



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

Ekipe Općinske službe civilne zaštite Novi Grad su na terenu, prate situaciju i preduzimati će neophodne mjere na pružanju pomoći stanovništvu na ugroženim područjima.

Općina Vogošća

U protekla 24 sata izvršen je obilazak ugroženog terena i konstatovano je da je stanje znatno bolje u odnosu na prethodni izvještaj. Rijeka Bosna se i dalje povlači na većini lokacija koja su bila poplavljena. Izvršen je obilazak klizišta „Mehtefčići“ zbog prijave građana o promjenama na terenu. Na osnovu stanja na terenu angažovane su strukture civilne zaštite Općine Vogošća na ispumpavanju preostale vode iz podruma, okućnica, saobraćajnica i poslovnih prostora. Povjerenici civilne zaštite su tokom jučerašnjeg dana u ulici Stara željeznička stanica izvršili sječu stabala koja su ostala prilikom poplava. Veterinarska ambulanta Vogošća provodi mjere dezinfekcije, dezinsekcije i deratizacije na lokalitetima i objektima koji su bili poplavljeni.

Komisija za procjenu šteta već drugi dan radi na terenu prema prijavama građana općine Vogošća koji su pretrpjeli štete uslijed poplava.

Povjerenici civilne zaštite Vogošća i pripadnici OO Crvenog križa Vogošća počeli su sa podjelom paketa i čizama ugroženim građanima uslijed poplava.

U protekla 24 sata primljen je veći broj poziva za pomoć i za procjenu šteta uzrokovanim poplavama. Sve je evidentirano i postupa se u skladu sa mogućnostima.

Općina Ilijaš

Na osnovu Odluke o proglašenju stanja prirodne i druge nesreće na području općine Ilijaš, broj 08/40-2443/21 dana 06.11.2021.god., a u cilju otklanjanja posljedica prirodne nesreće angažovana su slijedeća sredstva:

- (skip, buldozder, dva kamiona), Niskogradnja Durmić d.o.o.
- (skip, kamion) Halilović d.o.o.
- (cisterna i VOMA) JKP Vodostan d.o.o.
- (cisterna i pumpa) DVD Vogošća.

Na terenu mašine su radile na čišćenju nanosa blata i smeća kod kuća Suša u naselju Donja Luka MZ Luka, Ribarićima, Malešićima, Ljubnićima, pročišćenje putu za Bokšiće i Frgaj. Povjerenici civilne zaštite rade neprestano na ispumpavanju vode iz podvožnjaka u Gornjoj Luci i MZ Srednje. Provode se preventivne radnje na klizištu u Ljubnićima, te odvodnji sa Apartmanskih naselja u Lješevu, Podlugovima, Mrakovu i Ribarićima.

Općina Trnovo

U skladu sa Odlukom o proglašenju stanja prirodne i druge nesreće poduzete su aktivnosti i mjere na otklanjanju posljedica poplava. U toku jučerašnjeg dana sanirano je klizište na lokalitetu Lisovići, ka i lokalni put u Baricama. U toku dana nastaviti će se aktivnosti na otklanjanju i saniranju posljedica od poplava.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su dvije



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

manje intervencije i to na gašenju zapaljenog dimnjaka u stambenom objektu i jednu tehničku intervenciju na sapiranju područja koje je bilo poplavljeno u naselju Rajlovac.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodopsnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 4°C, vlažnost zraka 100%, barometarski pritisak 949,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1